

लईका मन बर बाईबिल
प्रस्तुत करत हवे।



मंदिर म एक ठी
अगुवा ले ईसु के
भेंट



लिखे गए हवे। : Edward Hughes
उत्साह बढ़े गए हवे। : Byron Unger; Lazarus
चयन करे गए हवे। : M. Maillot; Sarah S.
अनुवाद करे गए हवे। : मधुलिका महतो
बनाए गए हवे। : Bible for Children
www.M1914.org

BFC
PO Box 3
Winnipeg, MB R3C 2G1
Canada

©2015 Bible for Children, Inc.


लाईसेंस : आप मन करा इ कथा ल छापे बर अऊ नकल करे के अधिकार
तभे तक हे जब तक आप मन एला बेचिहा नाही।




एक दिन ईसु मंदिर म गईस तब ओहर देखिस कि मइनसे मन, उहां भगवान के मंदिर के अपमान करत रहिन। उमन पशु मन के बिकरी अउ मंदिर म पइसा के लेन-देन करत रहिथे।



परे रहे तार ला एक ठीन कोररा कस बना के ईसु बयपारी मन ला मंदिर के बाहिर मा निकाल दिस। ओहर ओमन ला आग्या दीस "इ सब्बो झन ला दूरिहा ले जावव मोर ददा के घर ला बयपार के जघा झन बनावा" ईसु, अपन ददा के घर ला अड़बड़ परेम करत रहिस।





अगुवा मन जीसु ला
चिनहा देखाय बर कहिन
जेन ले माने बर होही
कि ओला मंदिर ला
खाली करके अधिकार
हावय । जीसु हा जुझाव
दिनस "इ मंदिर ला
तुमन टोर देवा अउ
मैहर ओला तीन दिन
मा फेर ठाड़ कर दिहा ।"
असंभव । इ मंदिर के
निरमान म छियालिस
बछर लग रहिस ।



ईसु अपन देहे के बारे म कहत रहिस ।
मंदिर कस, ओकर देहे घलाव भगवान
के वास करे के डेरा रहिस । ईसु
हा कुरुस मा मरहि, लेकिन
ओला इ जानकारी रहिस
कि भगवान हा ओला
तीसर दिन मरे म
ले जिया ही ।





एक ठीन रथिया, मंदिर
के अगुवा म ले एक हा
ईसु ले भेंट करिस ।
चमतकार के कारन ले
ओला पता रहिस कि ईसु
भगवान अंगत ले भेजे
गए रहिस । निकेदेमुख,
ईसु के तीर भगवान के
बारे म अउ जादा जाने
बर आए रहिस ।





ईसु हा नीकेदेमुस ला कहिस कि
मइनखे मन ला भगवान के राज
म परवेस करय बर नवा रूप
मा जनम लेहे बर परहि ।
नीकेदेमुस इ ला नई बुझे
पाइस । एक ठीन बडखा
मइनसे कर ले एक ठन
लईका कइसे बन सकत
हावय ? मजा गोठ इ हावय
कि उहा एक ठी धारमिक
मइनखे रहिस । का ओकर
बर ये हा अब्बड़ नई रहिस ?





आत्मा ले जेन
हा जनमें हावय
ओहा आत्मा हावय,
“ईसु हा समझाइस ।
भगवान के आत्मा एक
ठी हवा अकन हावे ।
मइनखे मन हवा ला
देखे अउ समझे बर
नई सके । हवा का
करत हावे, हमन
खाली ओइच ला
देखथन” ।







ईसु हा निकुदेमुस ला सुरता देवाइस, आघु के काल
म इजराइल के लइका हा कोन परकार मुसा ले चारी करिस।
उमन केलवली करिन, "हमर करा कोन्हो खायबर, पानी नई
हावय, अउ हमन भगवान के देहे रोटी ले नफरत करथन।"





मइनखे मन के पाप हा भगवान ला
जगवाईस । भगवान ओमन के बीच मा अबगा
करनांग मन ला भेजिस । नांग मन मइनखे मन ला
डसिन अउ अब्बड़ अकन मइनसे मन सिरा गिन ।




“हमन पाप करत हावन । पराथना करव
कि जहोवा इ सांप मन ला हमन ले दूरिहा
करहि,” मइनसे मन बिनती करिन तब
मूसा हा ओमन बर पराथना करिस ।
लेकिन भगवान उ नाग मन ला
ओमन ले दूरिहा नई करिस ।



भगवान हा मूसा ले कहिस कि एक
ठी अबगा बिसहा करनांग बना अउ एक ठी ऊचां
मा ओला टांग दे। भगवान हा इ वादा करिस,
“सब्बो कोन्हो जेन मन ला नाग हा डसहि उमन
जिंदा रहि, जदि उमन ऊंचा म टाँगे नाग ला
देख लेवय।” मूसा हा एक ठी पीतल के
नाग बनाईस अउ जतकी मन एला देखिन
उ मइनसे मन चंगा हो गिन।





ईसु हा नीकेदेमुस ल
बताईस कि, "मइनसे के बेटा
घलाव एहि पीतल के नाग कस उपर

मा चढ़ाए जाहि।" ईसु हा
ओही कुरुस के गोठ कहए
रहिस जेन म उ
पापि मन बर
मरए वाला
रहिस।





काबर कि भगवान

हा सनसार ले अइसन परेम राखिस
कि ओहर अपन इकलउता बेटा ला
दे दिस, ताकि जेन कोन्हो
ओखर उपर बिसवास करहि,
ओमन नास नई होवय,
लेकिन अनंत जीवन
ला पाइन।





ऐखर मतबल ये हावय कि
जेन कोन्हो ईसु म
बिसवास करथे ओहर
भगवान के परवार
म जनम थे।



साइद नीकुदेमुस उ रथिया म ईसु के चेला नई बनीस। लेकिन
बछर पाछु, नीकुदेमुस, कुरुस मा चघाए भगवान कर बेटा ल माटी
देहे म मदद करके ऐहि दिखाइस कि
ओहा ईसु म बिसवास अउ ओला
मया करत रहिस।



ऐखर पाछु, जीसु अउ ओखर चेला मन उत्तर मा यातरा करए बर
निकर परिन। दूसर मइनसे मन ला घलाव भगवान के राज के
बिसय म सुनए अउ ईसु नासरी भगवान कर बेटा म
बिसवास करए के मउका मिलए ला रहिस।



मंदिर म एक ठी अगुवा ले ईसु के भेंट

इ कथा हर भगवान के बचन के द्वारा एक ठी बाईबिल


पाए जाथे ।

युहन्ना 2-3, गिनती 21

"आप मन कर बानी हर एला अंजोर देथे ।"

भजन संहिता ११९ : १३०






समाप्त ।



41



60



बाइबल के कहानी हा हमन ला हमर महान भगवान के बारे में बता थे। जेनहा हमन के रचना करे हावे अऊ जिनह ये चाहथे कि हामन ओला जानन।

भगवान ला पता है कि हामन गलत काम करे हन जेन ला ओहर पाप कहिथे। पाप करे के सजा मौत हावे, पर भगवान हा हमन ले बहुत प्यार करथे कि ओहर अपन अकेल्ला बेटा ईशु मसीह ला क्रूश में मरे बर अऊ हमर पाप के सजा पाए बर भेजीस। ओखर बाद इशु मसीह के फेर से जनम होथे अऊ ओहर घर ले स्वर्ग मा चल देथे। अगर तुमन ईशु मसीह मा भरोसा करथव अऊ अपन पाप बर माफी मांगथव ता ओहर जरूर माफ कर दीही। वो हर जरूर आही अऊ तुमन के भीतरी मा अभी रहिही, अऊ तुमन ओखर संग मा हमेशा बर रहिया।

अगर तुमन विश्वास करथव कि इही हर स चहे, त भगवान ले येला कहव प्रिय ईशु, मैं विश्वास करथव कि अप मन भगवान हव अऊ मोर पाप के सेतर मरे बर मनुष्य बनेव अऊ आप हर फेर से जिवित हव। दया करके मोर जिंदगी में आवव अऊ मोर पाप ला क्षमा करव, ताकि मैं हा नवा जीवन ला पा सकंव अऊ एक दिन हमेशा बर आप मन के संग जा सकंव। मोला मदद करव ताकि मैं आप मन के हर आज्ञा के पालन कर सकंव अऊ आप मन के बेटा बन के आप मन बर जिये सकंव। आमीन।

बाइबल ला पढ़व अऊ भगवान से रोज बात करव !

